

大智度論

第二十四

二百十  
建四

48860



田  
田  
田  
田  
田

大智度論卷第二十四

龍樹菩薩造

姚秦三藏法師鳩摩羅什譯

建

釋初品中十力第三十九

舍利弗菩薩摩訶薩欲遍知佛十力四無所  
畏四無礙智十八不共法大慈大悲當習行  
般若波羅蜜問曰是十力四無所畏等是佛  
無上法應當前說何以故先說九相  
答曰六波羅蜜是菩薩所應用先已  
七品乃至三無漏根是聲聞法菩薩行是六  
波羅蜜得力欲過聲聞辟支佛地亦欲教化  
向聲聞辟支佛人令入佛道是故呵是小乘  
法捨一切衆生無所利益若諸聲聞人言汝



是凡夫人未斷結使不能行是法是故空訶  
以是故佛言菩薩應具足三十七品等諸聲  
聞法不可得故雖行是諸法以不可得故爲  
衆生行邪行故行此正行常不捨是諸法不  
可得空亦不疾取涅槃證若菩薩不解不行  
是小乘而但呵者誰當肯信譬如釋迦牟尼  
佛若先不行六年苦行而呵言非道者無人  
信受以是故自行苦行過於餘人成佛道時  
呵是苦行道人均信受是故六波羅蜜後次  
第行聲聞法復次此非但是聲聞法是法中  
和合不捨衆生意具足一切佛法以不可得  
空智故名菩薩法問曰若菩薩具足三十七品

諸法者云何不入聲聞法位。答曰：具足者具足，觀知而不取證了了，觀知故名具足。如佛說一切畏杖痛，莫不惜壽命，愆己可為喻，杖不加群生。

雖言一切畏杖痛，無色界衆生無身，色界雖有身而無鞭杖，欲界中諸佛轉輪聖王夜摩

天已上皆不畏杖。楚為畏杖處者，故言一切具足亦如是。不為求證著法，故言具足復次我先說不捨衆生，以不可得空智和合，故不墮聲聞地。問曰：從六波羅蜜至三無漏根，但言應具足，自此以後何以故皆言欲得欲知是事當習行般若波羅蜜。答曰：聲聞法有

量有限故言應具足自此已下是諸佛法甚深無量菩薩未得故言欲得是事當學般若波羅蜜復次聲聞法易解易知故言具足菩薩法佛法難解難知故言當學復次聲聞法摠相但知苦知苦因知苦盡知盡苦道譬如二種醫一者但知病知病因知差病知差病藥而不知一切病不知一切病因不知一切病差不知一切差病藥或復但知治人病不知治畜生或能治一國土不能治餘國土有能治數十種病不悉知四百四種病病因病差差病藥亦如是二者於四種中悉皆遍知遍知藥遍知病聲聞人如小醫不能遍知菩

薩摩訶薩如大醫無病不知無藥不識以是  
故聲聞法應具足菩薩法當學

佛有十力者是處不是處如實知一力也知  
衆生過去未來現在諸業諸受法知造業處  
知因緣知報二力也知諸禪解脫三昧定垢  
淨分別相如實知三力也知他衆生諸根上  
下相如實知四力也知他衆生種種欲五力  
也知世間種種無數性六力也知一切道至  
處相七力也知種種宿命共相共因緣一世  
乃至百千世劫初劫盡我在彼衆生中如是  
姓名飲食苦樂壽命長短彼中死是間生是  
間死還生是間此間生名姓飲食苦樂壽命

長短亦如是八力也佛天眼淨過諸天及眼  
見衆生死時生時端正醜陋若大若小若墮  
惡道若墮善道如是業因緣受報是諸衆生  
惡身業成就惡口業成就惡意業成就謗毀  
聖人邪見邪見業成就是因緣故身壞死時  
入惡道生地獄中是諸衆生善身業成就善  
口業成就善意業成就不謗聖人正見正見  
業成就是因緣故身壞死時入善道生天上  
九力也佛諸漏盡故無漏心解脫無漏智慧  
解脫現在法中自識知我生已盡持戒已作  
後有盡如實知十力也問曰是十力菩薩未  
得聲聞辟支佛所不能得今何以說答曰



聞人雖不能得若聞是十力功德作是念佛  
有如是是大功德自慶言我等善利蒙益不少  
得信心清淨入盡苦道諸菩薩者聞之勤修  
菩薩道當得如是十力等大功德果復次有  
聲聞人及菩薩修念佛三昧非但念佛身當  
念佛種種功德法身應作是念佛一切種一  
切法能解故名一切智人一切法如實善分  
別說故名一切見人一切法現前知故名一  
切知見無礙人等心一切衆生故名大慈悲  
人有大慈悲故名爲世救如實道來故名爲  
如來應受一切世間供養故名爲應供人成  
就不顛倒智慧故名正遍知戒定慧智成就

故名明行成不復還故名善逝知世間摠相  
別相故名世間解善說出世間安隱道故名  
無上調御師以三種教法度衆生故名天人  
師一切世間煩惱睡能自覺亦能覺人故名  
為覺人一切所願具足故名有德十力成就  
故名堅誓得四無畏故名人師子得無量甚  
深智故名大功德海一切記說無礙故名如風  
一切好醜無憎愛故名如地燒一切結使薪  
故言如火善斷一切煩惱習故名具足解脫  
最上住處故名為世尊佛有如是等諸功德  
故應念佛以是故菩薩摩訶薩欲得佛十力  
四無所畏十八不共法當學般若波羅蜜復

次佛在王舍城耆闍崛山中說是般若波羅  
蜜時佛四部衆及諸外道在家出家諸天龍  
鬼神等種種大衆集會佛入三昧王三昧放  
大光明遍照恒河沙等世界地六種震動說  
是般若波羅蜜六波羅蜜乃至三無漏根是  
中有衆生疑有何等力有幾種力故能作如  
是不可思議感動利益佛知衆生心有如是  
疑故言我有諸法實相智力是力有十種用  
是十種智故能作如是感動變化亦能過是  
所作以是故言欲得十力當學般若波羅蜜  
復次佛弟子世世植善根以少罪緣故墮外  
道諸外道常言佛非實有功德力是幻術力

誑惑人心佛弟子墮外道者心疑若介者佛  
非大人欲滅是惡謗故言我實有十力四無  
所畏故度衆生非是幻誑也復次諸菩薩修  
菩薩道苦行事難辦難成故欲懈怠是故佛  
言行是十力當得無量果報譬如估客主慰  
喻商人言汝等慎勿疲倦精勤努力得至寶  
山當得七寶如意寶珠佛亦是安慰諸菩  
薩言無得疲倦當勤精進修菩薩道行是十  
力當得無量果報如是等種種利益因緣故  
說十力等問曰佛有無量力何以故但說十  
力荅曰諸佛雖有無量力度人因緣故說十  
力足成辦其事以是處不是處智力分別籌

量衆生是可度是不可度以業報智力分別  
籌量是人業障是人報障是人無障以禪定  
解脫三昧智力分別籌量是人著味是人不  
著味以上下根智力分別籌量衆生智力多  
少以種種欲智力分別籌量衆生所樂以種  
種性智力分別籌量衆生深心所趣以一切  
至處道智力分別籌量衆生解脫門以宿命  
智力分別衆生先所從來以生死智力分別  
衆生生處好醜以漏盡智力分別籌量衆生  
得涅槃佛用是十種力度脫衆生審諦不錯  
皆得具足以是故佛雖有無量力但說此十  
力復次是處不是處力定知從是因緣出是

果報是中揔攝九力爲欲度衆生故於初力  
中分別有九種何以故是世間衆生現前見  
穀從種出而不能知何況心心數法因緣果  
報佛於內外因緣果報了了遍知故名爲力  
佛知是衆生業煩惱因緣故縛淨禪定三昧  
解脫因緣故解是一切衆生三世三種諸業  
諸煩惱輕重深淺麁細佛悉遍知故名力一  
切衆生諸禪定解脫三昧大小深淺解脫因  
緣佛悉遍知故名力衆生鈍根爲後身故作  
罪福業因緣利根人爲不生故集諸業佛悉  
知此上下根好醜相故名力知一切衆生二  
種欲作上下根因緣二種欲善惡種種別異

佛悉遍知故名力二種欲由二種姓因緣故  
遍知衆生深心所趣故名力一切衆生種種  
姓因緣故行二種道所謂善道惡道種種門  
所至處佛悉遍知故名力過去未來世中因  
緣果報智慧無礙是名宿命生死智力知過  
去未來因果已悉知方便壞因緣果報相續  
是名漏盡力佛知三世中二種因緣分別籌  
量衆生根欲性為漏盡故說法是漏盡力問  
曰何等為是處不是處力荅曰佛知一切諸  
法因緣果報定相從是因緣生如是果報從  
是因緣不生如是果報所以者何如多性經  
中說是處不是處相女身作轉輪聖王無是

處何以故一切女人皆屬男子不得自在故  
女人尚不得轉輪聖王何況作佛若女人得  
解脫涅槃亦因男子得無有自然得道二轉  
輪聖王一時出世無是處何以故無惡業成  
就故二轉輪聖王尚不同世何況二佛惡業  
得愛報無是處惡業尚不能得世間樂何況  
出世樂若惡行生天無是處惡行尚不能得  
生天何況涅槃五蓋覆心散亂離脩七覺而  
得涅槃無是處五蓋覆心離脩七覺尚不能  
得聲聞道何況佛道心無覆蓋佛道可得何  
況聲聞道如是等是處不是處多性經中佛  
口自說諸論議師輩依是佛語更廣說是處



不是處若言佛有闕失罪過若諸賢聖求外  
道師若諸賢聖自言我是佛若諸賢聖墮惡  
道若見諦所斷結更生若諸賢聖覆藏罪若  
須陀洹二十五有皆無是處如賢聖中分別  
廣說五逆人五種黃門墮四惡道衆生鬱多羅  
越人魔眷屬三障所遮若言得道皆無是處  
輕說法者輕法自輕破戒愚癡若言得具足  
善法無是處自言我是佛此身口惡不悔欲  
見佛若破僧罪不悔欲見佛邪定入正定正  
定入邪定正定入不定除佛法別有真得道  
人應得道身若死皆無是處除因緣生識出  
名色更有法無是處佛遣使事未訖若遮礙

無是處入慈三昧若他因緣死入滅盡定在  
見諦道中若死皆無是處若害佛及佛母無  
是處轉輪聖王女寶象馬主藏臣主兵臣若  
在胎中死母子夭喪皆無是處鬱多羅越人  
女寶佛母命終次身入惡道皆無是處有爲  
常涅槃無常凡夫人能斷非有想非無想結  
使一切取相禪定中修聖道無漏道有漏因  
若地濕相水堅相火冷相風住相皆無是處  
無明不能生諸行乃至生不能生老死無有  
是處二心一時生五識衆能分別取相若著  
若離能起身業口業若眠若入禪定無有是  
處但五識相續生不生意識但五識衆中著

有相續但五識衆能緣名能緣相能緣緣無色  
法能緣過去未來能緣離三世法但五識衆  
中有憎觸明觸修禪定若受善律儀不善律  
儀若憂喜若有無覺無觀若增益諸根皆無  
是處鼻識舌識有隱沒無記凡夫人第六識離  
我行無是處如是等無量無是處是處亦如  
是佛知是處無是處分別等量可度者為說  
法不可度者為作因緣譬如良醫知病可治不  
可治聲聞辟支佛所知少少故或不應度者  
欲度如首羅應度而不度如舍利弗所不度  
者是佛無是事無能壞無能勝悉遍知故是  
初力業報智力者身口所作業及此生無作

業所受戒業亦惡業日夜隨生業用生罪福  
業是業佛略說三處攝是名一切業用佛知  
一切衆生有業過去報亦過去有業過去報  
在現在有業過去報在未來有業過去報在  
過去現在有業過去報在過去未來有業過  
去報在現在未來有業過去報在過去未來  
現在現在業亦如是復次善心中受善不善  
無記業報不善心無記心亦如是復次樂業  
因緣故受樂報苦業因緣故受苦報不苦不  
樂業因緣故受不苦不樂報現報業因緣故  
受現報生報業因緣故受生報後報業因緣  
故受後報不淨業因緣故受惱報淨業因緣

故受無惱報雜業因緣故受雜報復次二種  
業必受報業不必受報業必受報業不可得  
離或待時待人待處受報如福人應共轉輪  
聖王受福待轉輪聖王好出出是時乃受是  
為待時待人者人即是轉輪聖王待處者轉  
輪王所出處復次是必受報業不待伎能功  
勲若醜若好不求自來如天上生人福樂自  
至地獄中人罪苦自追不待因緣此業深重  
故復次必受報業如毗瑠璃軍殺七萬二千  
諸得道人及無量五戒優婆塞如目連等大  
神通人所不能救如薄拘羅後母投著火中  
湯中水中而不死如佛遊諸國雖出家行乞

不須膳供而五百乘車載王所食業中生粳  
米隨飯百味羹如是等善惡業必受餘者不  
必受欲界受三種業報處樂受業苦受業不  
苦不樂受業色界受二種業報處樂受業不  
苦不樂受業無色界受一種業報處不苦不  
樂受業或待事者依是事得受業報如弗迦  
羅婆王池中生千葉金色蓮華大如車輪因  
是大會快樂多人出家得道佛知一切衆生  
造諸業處或欲界色界無色界欲界在何道  
中若天道在何天中若人中在何天下若閻  
浮提在何國若是國在何城何聚落若是城  
在何里何巷何舍在何處知是業何時作過

去一世二世乃至百千萬世是業果報幾已  
受幾未受幾必受幾不必受知善不善所用  
事物所謂刀杖教勅殺等自殺遣人殺諸餘  
惡業亦如是善業亦如是知如布施持戒修  
善施中所施何等土地房舍衣服飲食醫藥  
卧具七寶財物戒中受戒自然戒心生戒口  
言戒一行戒少分戒多分戒滿分戒一日戒  
七善道戒十戒具足戒定共戒善福中修初  
禪二三四禪慈心悲喜捨心如是等業善因  
緣若慳貪若瞋恚若怖畏若邪見若惡知識  
等種種惡業因緣福業因緣若信若憐愍若  
恭敬若禪定若智慧若善知識等種種善業

因緣是諸業自在一切天及人是諸業相無  
能轉者於億千萬世常隨逐衆生不捨如債  
主隨人得因緣具足便與果報如地中種子  
得因緣時節和合便生是業能令衆生六道  
中受生駛疾於箭一切衆生皆有諸業報分  
如父母遺財諸子皆應得分是業果報時到  
不可遮止如劫盡火隨衆生應生處處安置  
如大國王隨其所應而與官職人命終時是  
業來蔭覆其心如大山映物是業能與種種  
身如工畫師作種種像若人以正行業則與  
好報若以邪行業則與惡報如人事王隨事  
得報如是等分別諸業相果報復次如分別



業經中佛告阿難行惡人好處生行善人惡  
處生阿難言是事云何佛言惡人今世罪業  
未熟宿世善業已熟以是因緣故今雖為惡  
而生好處或臨死時善心心數法生是因緣  
故亦生好處行善人生惡處者今世善未熟過  
世惡已熟以是因緣故今雖為善而生惡處或  
臨死時不善心心數法生是因緣故亦生惡  
處問曰熟不熟義可尔臨死時少許時心云  
何能勝終身行力荅曰是心雖時頃少而心  
力猛利如火如毒雖少能成大事是垂死時  
心決定猛健故勝百歲行力是後心名為大  
心以捨身及諸根事急故如人入陣不惜身

命名爲健如阿羅漢捨是身著故得阿羅漢  
如是等種種罪福業報轉報亦應如是知聲  
聞人但知惡業罪報善業福報不能如是細  
分別佛悉遍知是業及業報智慧勢力無礙  
無盡無能壞故是名第二力禪定解脫三昧  
淨垢分別智力者禪名四禪佛知是助禪法  
禪道法名相義分次第薰脩有漏無漏學無  
學淨垢味不味深淺分別等八解脫如禪中  
分別相說禪攝一切色界定說解脫攝一切  
定禪波羅蜜卽是諸解脫定三昧解脫禪三  
昧皆名爲定定名爲心不散亂垢名愛見慢  
等諸煩惱淨名真禪定不雜愛見慢等煩惱

如真金分別名諸定中有一心行不一心行  
常行不常行難入易入難出易出別取相摠  
取相轉治不轉治轉治如姪欲中慈心瞋人  
不淨觀愚癡思惟邊無邊掉戲心中用智慧  
分別諸法沒心中欲攝心若不尔者名不轉  
治是定中應分別時及住處若身瘦羸是非  
行定時如菩薩苦行時作是念我今不能生  
禪定若多人處亦非定處復次佛知是禪定  
失是禪住是禪增益是禪到涅槃復次佛知  
是人難入定難出定易入易出易入難出難  
入易出佛知是人應得如是禪知是人失禪  
受五欲知是人受五欲已還得禪依是禪得

阿羅漢如是等一切諸禪定解脫即是三昧  
是禪定佛以甚深智慧盡知無能壞無能勝  
是名第三力知衆生上下根智力者佛知衆  
生是利根鈍根中根利智名爲上鈍智名爲  
下佛用是上下根智力分別一切衆生是利  
根是中根是鈍根是人如是根今世但能得  
初果更不能得餘是人但能得第二第三第  
四果是人但能得初禪是人但能得第二第  
三第四禪乃至滅盡定亦如是是人當作時  
解脫證是人當作不時解脫證是人能得於  
聲聞中第一是人能得於辟支佛中第一是  
人具足六波羅蜜能得阿耨多羅三藐三菩

提如是知已或為略說得度或為廣說得度  
或為略廣說得度或以軟語教或以苦語教  
或以軟苦語教佛亦分別是人  
有餘根應令  
增生信根是人應令生精進念定慧根是人  
用信根入正位是人用慧根入正位是人利  
根為結使所遮如鴛群梨摩羅等是人利根  
不為結使所遮如舍利弗目連等知根雖鈍  
而無遮如周利般陀伽有根鈍而遮者知是  
人見諦所斷根鈍思惟所斷根利思惟所斷  
鈍見諦所斷利是人一切根同鈍同利是人  
一切根不同鈍不同利是人先因力大是人  
今緣力大是人欲縛而得解是人欲解而得

縛譬言如鴛群利摩羅欲殺母害佛而得解脫  
如一比丘得四禪增上慢故還入地獄知是人  
必墮惡道是人難出是人易出是人疾出是  
人久久乃出如是等一切衆生上下根相皆  
悉遍知無能壞無能勝是第四力知衆生種  
種欲智力者欲名信喜好樂好五欲如孫陀  
羅難陀等好名聞如提婆達等好世間財利  
如須弥利多羅等好出家如耶舍等好信如  
跋迦利等好持戒如羅睺羅等好施如陀跋  
羅佛姑甘露女所生也好頭陀遠離如摩訶迦葉好坐禪  
如隸跋多等好智慧如舍利弗等好多聞如  
阿難等好知毗尼如優婆離等如是佛弟子

各各有所好凡夫人亦各各有所喜或有喜  
姪欲或有喜瞋恚復次佛知是人多欲多瞋  
多癡問曰何等是多姪多瞋多癡相荅曰如  
禪經中說三毒相是中應廣說知如是相已  
多姪欲人不淨法門治多瞋人慈心法門治  
多愚癡人因緣法門治如是隨所欲說法所  
謂善欲隨心為說如船順流惡欲以苦切語  
教如以楫出楫是欲智中佛悉遍知無能壞  
無能勝是名第五力性智力者佛知世間種  
種別異性性名積習相從性生欲隨性作行  
或時從欲為性習欲成性性名染心為事欲  
名隨緣起是為欲性分別世間種種別異者

各各性多性無量不可數是名世間別異有  
二種世間世界世間衆生世間此中但說衆  
生世間佛知衆生如是性如是欲從是處來  
成就善根不善根可度不可度定不定必不  
必行何行生何處在何地復次佛知是衆生  
種種性相所謂隨所趣向如是偏多如是貴  
如是染心事如是欲如是業如是行如是煩  
惱如是禮法如是定如是威儀如是知如是  
見如是憶想分別念所結使生念所結使未  
生隨所著生欲隨欲染心隨染心趣向隨趣  
向貴重隨貴重常覺觀隨覺觀爲戲論隨戲  
論常念隨念發行隨發行作業隨作業果報



復次佛用是種種性智力知是衆生可度是  
不可度是今世可度是後世可度是即時可  
度是異時可度是現前可度是眼不見可度  
是人佛能度是人聲聞能度是人共可度是  
人必可度是人必不可度是人略說可度是  
人廣說可度是人略廣說可度是人讚嘆可  
度是人折伏可度是人將迎可度是人棄捨  
可度是人細法可度是人麁法可度是人苦  
切可度是人軟語可度是人苦軟可度是邪  
見是正見是著過去是著未來是著斷滅是  
著常是著有見是著無見是欲生是厭生是  
求富貴樂是著厚邪見是說無因無緣是說

邪因緣是說正，因緣是說無，作業是說邪，作  
業是說正，作業是說不求，是說邪，求是說正，  
求是貴，我是貴，五欲是貴，得利是貴，飲食是  
貴，說戲樂事是樂，衆是樂，憤鬧是樂，遠離是  
多行，愛是多行，見是好，信是好，慧是應，守護  
是應，捨是貴，持戒是貴，禪定是貴，智慧是易，  
悟是講，說乃悟，是可引導，是句句解，是利根，  
是鈍根，是中根，是易出，易拔是難出，難拔是  
畏罪，是重罪，是畏生死，是不畏生死，是多欲，  
是多瞋，是多癡，是多欲，瞋是多欲，癡是多瞋，  
癡是多欲，瞋癡是薄煩惱，是厚煩惱，是少垢，  
是多垢，是覆慧，是衣裓，慧是廣慧，是人善，知

五陰相十二入十八界十二因緣是處非是  
處苦集滅道善知入定出定住定復次佛知  
是欲界衆生是色界是無色界衆生是地獄  
畜生餓鬼人天是卵生胎生濕生化生是有  
色是無色是有想是無想是短命是長命是  
但凡夫人未離欲是凡夫之離下地欲未離  
禪欲如是乃至非有想非無想是向道是得  
果是辟支佛是諸佛如是等種種分別五道  
四生三聚假名鄣衆入界善根不善根諸結  
使地業果是可度是不可度滅智分別以如  
是等分別知世間種種別異性得無礙解脫  
如是等種種別異佛悉遍知無能壞無能勝

是名第六力一切至處道智力者有人言業  
即是道所以者何業因緣故遍行五道有業  
能斷業能有所至所謂三聖道分及無漏思  
以是故諸業是一切至處道復次有人言五  
分五智三昧住一切處利益事辦復有人言  
第四禪即是何以故第四禪一切諸定至處  
如諸經中說是善心定心不亂心攝心皆入  
第四禪中復次有人言如身相念即是至處  
道是諸道利益之本復有言一切聖道是用  
是聖道得隨意利益復有論者言一切善道  
一切惡道一切聖道各各知諸道至處如毛  
豎經中說佛悉遍知無能壞無能勝是名第

七力宿命智力者宿命有三種有通有明有力凡夫人但有通聲聞人亦通亦明佛亦通亦明亦力所以者何凡夫人但知宿命所經不知業因緣相續以是故凡夫人但有通無有明聲聞人知集諦故了了知業因緣相續生以是故聲聞人亦有通亦有明若佛弟子先凡夫人時得宿命智入見諦道中知集因緣第八無漏心得斷見故故通變為明所以者何明名見根本若佛弟子先得聖道後宿命智生亦知集因緣力故通變為明問曰若佛本為菩薩時先得宿命智諸菩薩離無所有處煩惱後入聖道故去何佛說我初夜得

初明荅曰是時非明若佛在衆中說我彼時  
得是明示衆人言是明初夜得譬如國王未  
作王時生子後作王時人問王子何時生荅  
言王子某時生是生時未作王以今是王故以  
彼爲王子言王子彼時生佛亦如是宿命智生  
亦時未是明但名通後夜時知集因緣故通  
變爲明後在衆中說言我初夜時得是明問  
曰通明義如是云何爲力荅曰佛用是明知  
己身及衆生無量無邊世中宿命因緣所更  
種種悉遍知是爲力是名第八力生死智力  
者佛用天眼見衆生生死處凡夫人用是天  
眼極多見四天下聲聞人極多傍見小千世

界上下亦遍見問曰大梵王亦能見千世界  
有何等異荅曰大梵王自於千世界中立則  
遍見若在邊立則不見餘處聲聞人則不介  
在所住處常見千世界辟支佛見百千世界  
諸佛見無量無邊諸世界凡夫人天眼智是  
通而非明亦如是但見所有事不能見隨業  
因緣受生如宿命中說復次得天眼人中  
最第一者阿泥盧豆色界四大造色半頭清淨  
是天眼佛天眼四大造色遍頭清淨是爲差  
別復次聲聞人所住於三昧中得天眼即所  
住三昧中能見若有覺有觀三昧若無覺有  
觀三昧若無覺無觀三昧佛隨所入三昧中

住欲見盡見若依無覺無觀三昧中得天眼  
入有覺有觀三昧若無覺有觀三昧中亦能  
見復次聲聞人用是天眼見時所住三昧中  
心入餘三昧天眼則滅佛則不尔心雖入餘  
三昧天眼不滅是智慧遍知一切衆生生死  
所趣無能壞無能勝是名第九力漏盡智力

者問曰九力智慧分別有差別漏盡則同一  
切聲聞辟支佛有何等異荅曰雖漏盡是同  
智慧分別大差別聲聞極大力思惟所斷結  
生分住分滅分三時斷佛則不尔一生分時  
盡斷聲聞人見諦所斷結使生時斷思惟所  
斷三時滅佛則見諦所斷思惟所斷無異聲



聞人初入聖道時入時與達時異佛則一心中亦入亦達一心中得一切智一心中壞一切障一心中得一切佛法復次諸聲聞人有二種解脫煩惱解脫少障解脫佛有一切煩惱解脫亦有一切法障解脫佛自然得智慧諸聲聞人隨教道行得復有人言若佛以智慧斷一切衆生煩惱其智亦不鈍不減譬如熱鐵丸著少綿上雖燒此綿而火熱勢不滅佛智慧亦如是燒一切煩惱智力亦不滅復次聲聞但知自盡漏諸佛自知盡漏亦知盡他人漏如淨經中說復次佛獨知衆生心中分別有九十八使一首九十六纏除佛無有

知者佛亦獨知。苦法智。苦比智。中斷。亦所結。使性乃至道比智。亦如是。思惟所斷。九解脫。道中亦亦佛悉遍知一切衆生。如是事聲聞。若少知少說。皆隨佛語。如是漏盡智慧力勢。無能壞。無能勝。是名第十力。問曰。是十力何者最勝。答曰。各各於自事中大。如水能漬火。能燒。各自有力。有人言。初力爲大。能攝十力。故或言漏盡力。大事辦得。但槃故。論者言。是十力皆以無礙解脫爲根本。無礙解脫爲增上。問曰。若是十力獨是佛事。弟子今世無人能得佛。何以故。說答曰。斷人十力中疑。故無。智人令心決定堅牢。故令四衆歡喜。言我等。

大師獨有如是力。與一切衆生共。又諸殊  
道輩言。憍曇氏沙門。常寂靜處。住智慧。縮沒  
以是故。發至誠言。我十種智力。四無所畏。安  
立具足。在大衆中。說眞智慧。教化衆生。如師  
子吼。轉梵輪。一切外道。及天世人。無能轉者。  
爲止。是謗。故說是十力。問曰。好人法。一事智  
慧。尚不應自讚。何況無我無所著人。而自讚  
十力。如說  
自讚自毀。讚他毀他。如是四種。智者不行  
荅曰。佛雖無我無所著。有無量力。大悲爲度  
衆生。故但說十力。不爲自讚。譬如好賈客。導  
師見諸惡賊語。諸賈客示以非道。導師愍念。

故語諸賈客我是實語人汝莫隨誑惑者又  
如諸弊醫等誑諸病人良醫愍之語衆病者  
我有良藥能除汝病莫信欺誑以自苦困復  
次佛功德深遠若佛不自說無有知者爲衆  
生所說所益甚多以是故佛自說是十力復  
次有可度者必應爲說所應說中次第應說  
十力若不說彼不得度是故自說譬如日月  
出時不作是念我照天下當有名稱日月旣  
出必自有名佛亦如是不自念爲有名稱故  
自說功德佛清淨語言說法光明破衆生愚  
闇自然有大名稱以是故佛自說十力等諸  
功德無有失力名能有所辦用是十種力增

益智慧故能破論議師用是十種力增益智  
慧故能好說法用是十種力增益智慧故能  
摧伏不順用是十種力增益智慧故於諸法  
中得自在如大國主於臣民大眾中得自在  
是為以聲聞法略說十力義

大智度論卷第二十四

穀

音晉谷

正

反

於小

伎能

上渠倚反

膳

駛

上時

反

音

掉戲

上徒

衣

襪

楮

先結

憤

鬧

上使

反

漬

在智

縮

所六

賈客

古上

音

隸

反

帝

